



**LEMBAGA PEMBANGUNAN INDUSTRI PEMBINAAN
MALAYSIA**

**PEKELILING BIL. 1/2015
TINDAKAN TATATERTIB
SIJIL PEROLEHAN KERJA KERAJAAN**

**BAHAGIAN PENDAFTARAN KONTRAKTOR & LEVI
SEKTOR OPERASI**

1.0 TUJUAN

- 1.1 Memaklumkan kepada semua kontraktor yang berdaftar dibawah Akta 520 serta memegang Sijil Perolehan Kerja Kerajaan (SPKK) bahawa Lembaga Pembangunan Industri Pembinaan Malaysia (CIDB) telah diberi kuasa dibawah Pekeliling Perbendaharaan PK4/2014 untuk mengurus bagi pihak Kerajaan tindakan tatatertib ke atas kontraktor yang gagal mematuhi syarat tawaran atau syarat kontrak yang ditetapkan oleh Kementerian/Jabatan untuk projek-projek Kerajaan.
- 1.2 Memaklumkan kepada semua kontraktor yang berdaftar dibawah Akta 520 serta memegang SPKK bahawa tindakan tatatertib boleh diambil terhadap mereka sekiranya Kementerian/Jabatan melaporkan apa-apa pelanggaran syarat tawaran atau syarat kontrak.

2.0 OBJEKTIF

- 2.1 Untuk mengenakan tindakan keatas kontraktor yang melanggar syarat tawaran atau syarat kontrak yang ditetapkan oleh Kerajaan melalui Kementerian/Jabatan.
- 2.2 Untuk mewujudkan kontraktor yang berdisiplin dan seterusnya mampu bersaing dalam era globalisasi dan liberalisasi.

3.0 PERLAKSANAAN TINDAKAN TATATERTIB SPKK

- 3.1 Senarai pelanggaran dan tindakan berkaitan Tindakan Tatatertib SPKK yang ditetapkan oleh Kerajaan seperti di **Lampiran A**.
- 3.2 Prosidur Tindakan Tatatertib ini hanya terpakai ke atas kontraktor yang memegang **Sijil Perolehan Kerja Kerajaan (SPKK)** sahaja.
- 3.3 Tindakan gantung atau tarikbalik SPKK akan menyebabkan Sijil Taraf Bumiputera (STB) turut digantung atau ditarikbalik dengan sendirinya.
- 3.4 Tindakan gantung atau tarikbalik SPKK tidak akan menjejaskan status Perakuan Pendaftaran Kontraktor (PPK) **melainkan** jika tindakan tatatertib di ambil ke atas PPK.
- 3.5 Proses dan prosidur tindakan tatatertib SPKK akan diuruskan oleh Pejabat CIDB Negeri.
- 3.6 Sebarang pelepasan tindakan tatatertib hanya akan dipertimbangkan oleh Panel Pelepasan Tindakan Tatatertib.

4.0 KESAN TINDAKAN GANTUNG / TARIKBALIK SPKK KE ATAS KONTRAKTOR

- 1.1 Kontraktor tidak dibenarkan memasuki mana-mana tender / sebutharga / kerja undi termasuk pra-kelayakan, rundingan terus serta tender terpilih yang dikeluarkan oleh pihak Kerajaan dalam tempoh penggantungan / tarikbalik. Walau bagaimanapun kontraktor boleh melaksanakan dan menyiapkan projek-projek sediaada dengan memastikan Perakuan Pendaftaran Kontraktor masih sah.
- 1.2 Kegagalan kontraktor mematuhi perkara 4.1 boleh menyebabkan SPKK ditarikbalik dan ahli lembaga pengarah/pemilik syarikat disenarai hitamkan tanpa sebarang notis .

5.0 TARIKH KUATKUASA

Prosedur Tindakan Tatatertib SPKK ini dikuatkuasakan pada tarikh 1 Februari 2015.

6.0 PERTANYAAN

Sebarang kemusykilan yang timbul dari pekeliling ini hendaklah dirujuk kepada:

Pengurus Besar/Pengurus Kanan
Bahagian Kontraktor & Levi
Lembaga Pembangunan Industri Pembinaan Malaysia
Tingkat 29, Menara Dato' Onn (PWTC),
No. 45, Jalan Tun Ismail,
50480 Kuala Lumpur.
Tel : 03-40477400 Fax : 03-4047 7410



(MEGAT KAMIL AZMI MEGAT RUS KAMARANI)

Pengurus Besar Kanan
Sektor Operasi
b.p Ketua Eksekutif
Lembaga Pembangunan Industri Pembinaan Malaysia

Senarai Tindakan Atas Pelanggaran Syarat Tawaran dan Syarat Kontrak

Bil	Jenis Pelanggaran	Tindakan
1	Pemalsuan atau pindaan maklumat/dokumen bagi tujuan menyertai tender atau mendapat kontrak	Gantung Pendaftaran dua (2) tahun.
2	Menarik diri sebelum keputusan tender	Gantung Pendaftaran satu (1) tahun.
3	Menarik diri setelah kontrak ditawarkan	Gantung Pendaftaran dua (2) tahun.
4	Sub-kontrak tanpa persetujuan klien	Gantung Pendaftaran dua (2) tahun.
5	Gagal mematuhi obligasi kontrak (Non-Performance) i. Lewat ii. Tidak menepati spesifikasi.	Amaran
6	Penamatan kontrak bagi kerja yang dipanggil secara tender	Gantung Pendaftaran dua (2) tahun.
7	Penamatan kontrak bagi kerja yang dipanggil secara sebutharga & Requisition (kerja undi)	Gantung Pendaftaran 1 tahun
8	Kontraktor secara sengaja menyertai perolehan kerajaan dalam tempoh penggantungan	a. Tarik Balik Pendaftaran SPKK, dan b. Lembaga Pengarah/Pemilik syarikat disenarai hitam bagi tempoh 3 tahun. Nota: Permohonan pendaftaran baru oleh Lembaga Pengarah/Pemilik syarikat hanya boleh dibuat/ dipohon setelah tamat tempoh hukuman yang ditetapkan.
9	Lain-lain kesalahan yang berkaitan dengan syarat tawaran dan syarat kontrak	Amaran

- Nota:**
- i. Tindakan bagi kesalahan di atas terpakai ke atas Sijil Perolehan Kerja Kerajaan (SPKK) sahaja.
 - ii. Tindakan tata tertib yang diambil oleh Jawatankuasa Tindakan Tata tertib CIDB atas kesalahan seperti yang ditetapkan di dalam Akta 520 dan peraturan-peraturan di bawahnya akan menjejaskan status SPKK sebagaimana keputusan yang dibuat ke atas PPK.